

糊などで貼り付けられている部分がめくれない箇所あり

本政記卷之七

賴襄子成 著

光孝天皇諱時康。仁明第三子。母女御藤原氏。贈太政大臣總繼女。在位

二十一年。改元。葬葛野郡田邑陵。

春三月。天皇即位于大極殿。尊先帝曰太上天


皇。太政大臣基經。左大臣融。右大臣兼左大將

多。大納言兼右大將良世。並如故。基經請罷攝

政。使融多代任。不許。夏五月。敕諸博士議。太

政大臣有職掌否。在唐朝。相當何官。六月。特

日本政記 卷之七 光孝



日本正言 卷之七 東山別片  
詔萬機依舊先稟太政大臣基經而後奏聞  
仁和元年乙春賜基經宴內殿爲度僧五十人  
壽其五十又賜游獵地一處於攝津以藤原  
佐世爲大學頭初佐世爲基經家司薦令與太  
學生對策前文章博士都良香謂入口藤氏何  
求不得乃又如此欲使吾曹何處生活佐世遂  
及第爲得業生累遷右少辨奏貸新錢三十貫  
於左右京職以其息充學寮生徒菜資冬十  
二月下信濃守橘良基刑部獄良基廉直務富

民治爲當時最其民有與怨家相鬪者詣太政  
官訴之官遣使鞠訊怨家良基命収訴者官符  
譴責不服乃名之推斷未竟卒良基歷任五國  
守罷還不載資糧其子嘗問治民術對曰百術  
不如一清及卒家無餘儲中納言在原行平賻  
絹布纔得葬

二年丙夏以肥後攝津豐後甲斐四國守經年  
不赴任敕降位一階奪其告身以左中辨平  
季長爲問山城民苦使季長奏請停諸院諸宮

及諸王臣家或爭民戶田或奪浮浪財物不牒國郡司闡入邑里逆相壓略者又奏請民囑託勢家不由國宰爭訟財物者不限上浪不論蔭贖決杖一百所爭物悉沒官院官各家司並科違敕罪奏可季長葛原親王孫也

三年秋八月帝不豫召太政大臣基經立第七子定省為皇太子尋崩初帝多子憚基經未敢立太子及是基經入卧內請有不諱傳位於誰帝曰唯公擇之對曰王侍從可謂定省也上

悅召定省右執其手左執基經手泣曰朕與汝得位皆大臣力慎勿忘既出率百官上表立之帝有志興舊典屢御外朝視事

宇多天皇 諱定省光孝第七子母班子女王仲野親王女在位十年改元

四年崩壽六十五火葬人內山

冬十一月天皇即位于大極殿太政大臣基經左大臣融右大臣兼左大將多大納言兼右大將良世並如故基經乞歸政不許敕萬機無巨細關白基經關白始此尊生母從二位女御為



皇太夫人。

四年。戊辰春三月。詔以太政大臣基經准三宮初  
帝即位。詔基經有宜以阿衡之任為卿任。語左  
大辨橘廣相所草也。或謂阿衡位高不預事。基  
經不懌曰。然則吾閑人耳。命放駝馬。奏曰。臣聞  
阿衡無職掌。崇高可知。以臣擬之。恐非所堪。然  
居無職之地。固臣素志也。帝驚優詔論。廣相草  
詔。失朕本意。朕欲廢政仍舊。關白於公。垂拱仰  
成而已。基經乃奉詔。秋九月。敕圖殷周唐名。

臣像於紫宸殿障子。納內大臣高藤女為夏衣。  
冬十月。右大臣兼左大將源多麩納基經女  
為女御。

寬平元年。配冬十一月。聽基經乘腰輿入朝。以  
大納言良世兼左大將。中納言源能有兼右大將。  
能有文德皇子。是歲鑄寬平大寶錢。

二年。庚冬十二月。基經疾乞解職。優詔許之。  
三年。辛春正月。太政大臣基經薨。敕廢朝三日。

贈正一位。封越前公。謚昭宣。世稱堀河大臣。

二月召讚岐守菅原道真為藏人頭。道真上狀辭不聽。三月以大納言良世為右大臣兼左大將如故。召大宰大貳藤原保則為左大辨。先是保則在朝不得意。曰吾老矣宜預修冥資。聞讚岐多紙請為讚岐守。曰吾欲寫佛經耳。州民多學法律健訟。自保則來人重廉耻。及除宰府鎮西多盜吏不能禁。保則知其由飢寒賑給慰撫政尚清簡乃無盜民安之。帝聞而召之。尋任參議兼民部卿。

四年。夏五月。敕藏人頭菅原道真撰類聚國史。

五年。癸春二月。罷左大將良世。以源能有代之。中納言藤原時平兼右大將。時平基經子。夏

四月。立敦仁親王為皇太子。藤原高藤女所生。以源能有為傅。是歲高藤女為女御。

六年。夏五月。唐使來。秋八月。以參議菅原道真為遣唐大使。報之。聞唐亂不果行。遂罷使

不通。九月。新羅海賊入寇。筑前守文室善友



日知錄 卷之七 賴襄

防戰大破之。斬其將領十四人。先是西邊數有  
寇警。敕大宰府曰。勿以兵故令農失時。且防且  
耕。至是。府驛奏寇復至。尋捷報至。

賴襄曰。守多之為英主也。其攬權柄。振紀綱。  
躬勤儉。舉賢能。以宗廟生民為心。所以接天  
智。桓武之業者。不必論也。獨觀其處分邊防。  
足以知其他矣。宰府數奏寇警。詔曰。勿以兵  
故失農時。且防且耕。大哉言乎。可以為百世  
法也。大凡太平之世。四海無虞。文恬武熙。一

有風魚之警。上下相驚。奔走警告。差將吏運  
糧仗。國內為之騷擾。而寇為何者。來為何由。  
或未之知也。來於東則東奔。來於西則西奔。  
來者之虛實未確。而奔者已罷極矣。以彼為  
虛。以廢我防。而實矣。其力不可支也。以彼為  
實。以盡我防。而虛矣。其費不可給也。如是數  
次。國有不內壞者乎。嗚呼。亦盍不反其本思  
之。沿海之鎮。何為而置哉。其將吏守何職。兵  
卒服何業。我預於平日。命為之處置。無非備

日本政紀 卷之七 賴襄

日本書紀 卷之七 賴武親

寇寇至有戰而已何必擾擾來告我我亦何  
必擾擾往援之帝之意蓋亦如此而已但雖  
將率備矣未有不食而能戰者也故曰勿廢  
農時且耕且戰夫使戰而無耕何資以戰耕  
而無戰亦何損於國哉故寇有虛有實而國  
無損有益故曰帝之言可以為百世法也帝  
不徒言之也當時寇出於實而筑前守防戰  
大捷其効驗如此雖然當時所以能為此言  
成此効者又有其本焉本者何也曰收權柄

振綱綱躬勤儉舉賢能以宗廟生民為心

日本書紀 卷之七 賴武親



日本書紀 卷之七 七 賴原親

△○

七年。卯春二月。定置左右檢非使廳。敕中納言兼民部卿菅原道真錄囚徒。帝患多滯獄。故有此令。每日聽斷。無少遲緩。道真多所平反。三月。敕申禁王臣家出舉私物。貸民求利。犯者沒物科罪。秋八月。左大臣源融薨。融嵯峨皇子嘗造別業于宇治嵯峨。及東六條河原。窮極詭麗。稱河原左大臣。八年。丙辰秋八月。以藤原良世為左大臣。源能有為右大臣。兼皇太子傅如故。九月。廢二條太

日本書紀 卷之七 八 賴原親

日本書紀卷之七十一 孝德天皇

后藤原氏流僧善祐於伊豆。以有醜聲也。冬十月。太宰府奏慶雲見。公卿表賀。以為政和德至之應。詔曰。朕即位九載。水旱癘疫。兵興盜起。政和德至之言。可以偷置齒乎。君臣一體也。朕耻卿等亦可耻。勿為虛賀。又敕服御常膳。既減省。准舊四分一。庶舉塵露之積。以成禮節之和。豈圖水旱相仍。諸國闕調。百官乏俸。不怨天不責人。朕自取之。今重減三分一。省年料雜物之半。其餘用度。以分以折。既無謀於富國。唯合

體於貧民而已。告中外。知朕意焉。十二月。左

大臣良世致仕。

九年。丁夏六月。右大臣能有薨。以藤原時平為大納言。兼左大將。菅原道真為權大納言。兼右大將。中納言源光為權大納言。定為三員。是歲尊皇太夫人為皇太后。秋七月。皇太子加元服。時年十三。帝好佛乘。遂禪位。自著書歷舉古今國家得失。臣士賢否。誠新上其略曰。明賞罰。勿用愛憎。慎喜怒。勿形諸色。勿聽婦言。勿近

日本書紀卷之七十一 負氏載反

小人詢治於有識。求道於六經。左大將藤原朝臣。功臣之後。雖少諳政事。初頗聞內行。不謹。屢加激厲。可資輔導。右大將菅原道真。當今鴻儒。深通政理。直言不忌。朕立儲貳。獨與之議定。且將讓位。未果。朝臣曰。事留變生。遂使朕意如金石。則不唯朕之忠臣。乃新君之功臣。其敬重之。季長達典故。長谷雄涉。經典並宜進用。上尊號曰後太上天皇。以別於陽成上皇。徙東三條院。尋遷朱雀院。

醍醐天皇

藤原氏。宇多長子。母贈皇太后。

十四年。改元三。曰昌泰。延喜。延長。傳位皇太子。崩。壽四十六。葬宇治郡山階陵。

天皇即位于大極殿。大納言兼左大將時平。權大納言兼右大將道真。以先帝命。輔帝參決機務。

昌泰元年。戊冬十一月朔。日南至。群臣表賀。大赦。帝讀群書治要。紀長谷雄侍讀。

二年。祀春二月。以時平為左大臣。道真為右大臣。兼左右大將。並如故。道真自以家本儒林。而

居台司。衆望不厭。三上表固辭。不聽。時年五十五。時平二十八。冬十月。後太上天皇削髮。法名空理。稱法皇。

三年。庚春正月。帝覲法皇於朱雀院。相議。左右大臣並執朝政。無所統一。乃召道真。密諭使關白庶政。如藤原基經故事。道真固辭不受。且奏召臣無事。人必恠之。因命題賦詩以獻。賜御衣而罷。以大納言藤原高藤爲內大臣。無何。薨。高藤冬嗣孫良門子。冬十月。文章博士三善

清行上革命議。以爲明年辛酉當帝王革命。君臣剋賊之運。且深用意。清行上書右大臣道真。勸其退避。道真不從。

延喜元年。辛春正月朔。日有食之。貶右大臣菅原道真爲太宰權帥。以大納言源光爲右大臣。中納言藤原定國兼右大將。定國高藤子。初道真已受殊遇。以格君致治爲己任。知無不言。綜理政務。裁決如流。天下想聞風采。左大臣時平年少氣銳。固執不相下。道真不欲每事立異。常

日知錄 卷之四  
竊嘆之時平及聞關白密告益不懌光爲帝舅  
與定國皆以門地高愧位道真下式部少輔藤  
原菅根道真所薦嘗忤意被怒啣之時平因與  
三人相結譖道真於帝誣其欲廢帝立齊世親  
王親王道真女壻也帝震怒下敕貶謫道真憂  
悶無以自白作和歌哀訴法皇法皇驚欲見帝  
申救菅根戒門者不通道真男女廿二人流徙  
各異處天下冤之時平又欲禁錮放逐諸及菅  
門者善清行諫而止之。

菅原相公之貶世專咎藤原時平稱讒臣必  
以爲稱首賴襄以爲不然曰自外戚專政類  
此者多矣不獨時平也前焉如良房之序安  
倍安仁基經之不用藤原保則後焉如師尹  
之除源高明兼通之忌中書王皆是也其意  
曰台司獨我家爲彼何爲者如源常與信光  
以其易制故得伴食耳其與已相軋者輒搏  
擊而去之豈獨時平哉貶菅公非必時平所  
致也然則誰所致曰宇多致之也宇多非患

相門之如彼。故擢公使與之衡。亦丁寧醜。專聽於公者也哉。曰。是所以禍公也。夫如彼者。非一日也。中外慣習。以爲當然。擢之寒族。使與之衡。而能衡焉。無敢異議。何哉。鑒識之者在焉爾。故宇多在位。則儼然右大臣。人望而畏之。一去位。則文章博士。妄據政府也。雖無時平。不可久安者。勢也。且夫家宰之寵於父者。其子必憎之。憎其倚父寵以制我也。以爲我自有所用。何必是。且已所用。與已年齒

相若。志趣相投。而父所用皆否。民庶之家。且然。况人主有天下者乎。人主之所樂者。此位也。故其所忌。莫甚於兄弟之逼於已。中其所忌。以使恣其所樂。宜乎其言易入也。况出於已所用。常所愛信者之口乎。故延喜之貶。管公不必待時平之數言也。其情素然也。情與勢者。天下之所不能違也。而宇多欲以一紙遺誠禁之。其不可也。必矣。故致管公之貶者。非宇多而誰乎。而公亦可謂不自慮者矣。吾

嘗審遺誠所言立儲禪位之議。管公實贊決之。曰。事留變生。蓋是時基經之女未有所生。生則不可不立也。公豈慮於此耶。然已定儲矣。雖不禪位可也。其意蓋謂雖禪位猶當傍觀扶植之。不知權已不在我。我言寧可行耶。宇多崩於承和元年。去禪位三十四。專修佛法。噫。以此三十四年間。讀經研法之勤。移之於政。政當更何如哉。而公亦終其輔翊之功。何貶謫憂死之有哉。襄故曰。管公之貶。宇多致之也。而公亦有以自取之。

日本後紀 卷之二十一 賴氏後

日本書紀 卷之七 世 賴氏崩

秋八月左大臣時平大外記大藏善行上三代實錄實錄道真所定居多以其貶不得列名善行年七十時平會一時名士開宴稱壽執弟子禮時人榮之

三年癸春二月前右大臣兼右大將太宰權帥菅原道真薨道真博學敏文詞為宇多帝所識拔終大用及在配所閉門不出以文墨自遣至是薨年五十九

四年甲春二月立皇子崇象親王為皇太子後

日本書紀 卷之七 賴氏崩



日本正記 卷之七 十五 賴氏滿版

改名保明。母藤原氏。右大臣源光為傳。三月。法皇造室。仁和寺。稱御室。

五年。丑。大內記紀友則。御書所預紀貫之等。撰古今和歌集。成。上之。初平城朝。有萬葉集。及嵯峨好唐詩。和歌幾廢。帝有志興廢。敕撰之。

六年。丙。夏五月。帝受史記於式部大輔藤原菅根。秋七月。右大將定國薨。八月。以右大臣源光兼右大將。

八年。戊。冬。先是。敕時平及大藏善行撰延喜格。

至是成。上敕頒行之。

九年。己。夏四月。左大臣藤原時平薨。時平多權數。帝患朝臣奢華。禁之。不止。時平密奏。故自着美服入朝。帝佯怒。召職事曰。左大臣當躬儉約。

以率百僚。乃首犯朕禁。時平為惶懼者。屏隨身步歸第。閉門謝客月餘。時人相戒從儉。源光

轉左大將。中納言平惟範兼右大將。惟範葛原親王孫。季長弟。秋九月。惟範薨。以權中納言

藤原忠平兼右大將。忠平時平之弟。雅善管原

日本正記 卷之七 十五 賴氏滿版

道真及其謫數問遺之。不以兄故變。時人多之。  
十二年。中夏疫。京師火。是歲中納言紀長谷  
雄覺。長谷雄文才敏贍。詔敕多出其手。嘗與三  
善清行論文不合。清行罵曰。自古無有無才博  
士。有之始於汝。長谷雄不與校。其慎如此。時諸  
學士多以議論相凌。任誕矜傲者。菅原道真嘗  
寄詩長谷雄。勸以敦厚化俗。及道真及島田忠  
臣等相尋逝。長谷雄歎曰。延喜以後無復知我  
者。

十三年。癸酉春三月。右大臣源光薨。光有膽識不

惑妖妄說。然以陷菅原道真為時議所貶。夏

四月。以藤原忠平兼左大將。中納言藤原道明

兼右大將。

十四年。甲申春二月。帝方勵精求治。以連年水旱

不登。詔求直言。式部大輔兼大學頭三善清行

上意見封事。其略曰。國朝天險土沃。民庶臣服。

三韓所以能然者。國俗敦厯。民風忠孝。輕賦歛。

踈徵發。上垂仁牧。下盡誠戴。上國之政。猶



日本正計 卷之七 賴氏藏版

一身之治。自後化漸薄。法滋彰。歛增役倍。戶口月減。田畝日荒。既而佛法初傳。上下競傾產造寺。捨田施丁。極於天平國分二寺。各用其國正稅。而天下之費。十之五。桓武營宮城。盡賦庸調。又費五之三。仁明好奢。後房之飾。竭帑倍賦。又費二之一。貞觀中。宮殿頻災復修。又費一之半矣。則當今曾非古之十也。臣嘗為備中介。試閱其鄉。皇極晚年。有一萬兵士。神護中有二千丁者。貞觀初。七十餘人。及臣時。得九人。今聞

其無一人。二百五十年來。衰弊如此。以此推之。天下虛耗可知。陛下照萬古興衰。宵衣旰食。降惠民庶。興復寧無可期。謹陳便宜十二事。其一。請肅祭祀。祈豐穰。不徒備故事而已。其二。請禁奢侈。貞元間。親王公卿。以笄紫絹為夏衫。今史生以白縑為之。婦女婢妾。非紈綾不服。富者誇逞志。貧者耻不及。一衣破產。一饌盡資。田疇為蕪。盜賊為滋。望隨階定制。至於葬喪亦然。亂其僭忒。自上率下。源澄而流清矣。其三。請修口分

日本政記 卷之七 貞氏藏版

田此制爲收租庸調而今已好田闕貢牧宰懷  
無用之籍豪富收并兼之利須令閱實租給其  
遺田收爲公田任國司沽或納地子以乞無身  
之調租猶有遺稻納之不動今略計其數三倍  
調庸爲公有利爲民無損其四請復大學學田  
治國在賢得賢在學今至以大學爲坎墮之府  
凍餒之鄉望復學田又嚴敕博士公貢舉法專  
論材藝不得受請託其五請減五節選妓員無  
襲前朝好內之例其六請增置判事舊制判事

六員今獨大判事用明法者以萬民死生繫一  
人唇吻括五刑輕重決獨見讞書乖閱實之理  
望依舊皆擇明法律者使俱議科比詳定條章  
復六員其七請均給百官四季祿比年官庫乏  
物唯公卿及出納諸司充給其餘五六年難給  
一季料雖閑忙殊務至於頒賜宜無差別其八  
請停諸國吏民越訴以牧宰之重與小吏賤民  
比肩受鞠雖事得白威權已廢知耻之士誰冀  
爲吏望盡拘以文法除反逆外不發朝使其九

請定勘籍人數。三宮以下。諸王大夫命婦資人。諸司衛府式兵二省。籍人一歲。稍及三千人。國朝課丁。課與羽太宰九國外。不滿三十萬。而大半無有身。則見丁十餘萬人而已。其中歲除三千人。未盈四十年。天下皆爲不課之民。望年立定額。大國十人。以次差之。以載蠲符。其十。請選任檢非違使。努使檢非違使本掌糺境內奸濫。今其民納贈勞料者爲之。望監試明法學生充任。今與羽鎮西及沿海諸國。努師皆充年給許。

令斥賣。唯論價直。不問才伎。望令六衛練習。隨功勞任之。其十一。請禁僧徒濫惡。及宿衛強暴。嚮官符禁權貴規銅山澤。侵奪田地。吏易施治。民居得安。猶遺是等。今諸寺僧得度。年二三百人。大半邪濫。及逃課逋租者。天下之民。禿首者居三之一。皆畜妻啖腥。甚者爲盜竊鑄錢。望痛禁懲之。奪度牒。返本役。六衛舍人須結番警備。而散落諸國。此皆部內強豪。遭國司糺勸。奔入洛。納貨籍宿衛者。望既充補。不得歸住。寧歸者。

限暇日。取府牒送國衙。過限者解職。送狀本府。其十二。請修魚住泊。西南三道舟程。自櫻生。至河尻。五泊。各一日行。今此泊廢。自韓泊。直指輪田。蕩覆年百艘。望差官司修造。以播備稅。給其費。其餘嚮旣所獻言。不更重陳。帝嘉納焉。是歲。禁奢靡服。

賴襄曰。三善清行。以實用之才。爲實用之學。雖管原州公。恐有所不及。其封事者所言。雖有不敢盡者。而切中時弊。可用當世。與彼爲無用之文詞者。大異然。其爲書。每慮五千餘言。吾恐讀者徒誦。不得其要領也。私度繁除。復約爲千餘言。而又究其意。所歸宿論之曰。清行之意。不過張紀綱。修版籍。以復物力而已矣。夫物力者。國之所以存也。而其所以盛衰息耗者。在於紀綱版籍二者。故祖宗定制。必於此致意焉。使後世子孫。賴以守其國。無此不可一日守也。然守之久。二者歲弛月廢。名存實亡。其終至於守空器。而天下之實移。

焉是和漢之所同。而國朝爲著焉。清行生於其漸弛廢之時。欲有以救濟之。當時君相非不嘉納之也。而不能盡用。及至其後。弛者倍弛。廢者滋廢。獨後三條有志於興復之。而短祚不能有成。委靡壞墮。以至保元而窮矣。由二者之不修不張也。豈非百世之永鑑哉。本朝富庶過絕外國。誠如清行所言。而當時了口耗減如此。其後未知又如何也。而至輓近則息矣。然當時有可班之田。而近世則否。是

古今所異耳。至彼不可不修而張之者。則一也。故清行之言。不特可用當時也。天下之事。固有衆人不憂。而有識之士獨憂之者。上共其憂。則其憂可止。上不共其憂。而使之獨憂焉。憂將日深耳。烏見其止也。清行此時已七十矣。而位不過四位。官不過儒門常格。旣而纔得參議。未幾而沒。嗚呼。此人也。而不知用。則所謂延喜之政。亦非空名無實者耶。向使寬平不早去位。與菅公並用焉。以盡其才。則

可以收興復之實効矣。吾不獨爲此人惜。爲王家惜也。自古有人才之用舍。關國家之運者。豈獨清行哉。

夏五月。東京火。延燒六百餘家。敕賑給遭火者。

秋八月。以大納言忠平爲右大臣。兼左大將。

如故。

十五年。冬。太赦天下。免延喜十年以前七道。

調庸。減今年徭半。

十六年。丙夏。四品貞純親王薨。親王清和第六子也。

從妻父源能有學。武事。子孫賜姓源朝臣。

世爲將帥者本於此。

十七年。丑旱。自九月不雨。至十二月。京城井涸。





日本正言 卷之七 三十一 賴氏飛片

敕許民汲冷泉院及神泉苑池水數日皆竭

十八年戊寅冬十二月從四位下參議三善清行

卒年七十二

延長元年癸卯春三月皇太子保明薨追復故右

大臣菅原道真官爵贈正二位謫道真以來歲

比不稔京師屢災又多旱疫太子暴薨世以為

道真祟故有此命一夏四月立女御藤原氏為

中宮皇孫慶賴王為皇太子中宮故攝政基經

女故太子母王太子子也

二年甲申春正月以右大臣忠平為左大臣大納

言兼右大將藤原定方為右大臣

三年乙酉夏皇太子慶賴薨一冬立皇子寬明為

皇太子故太子保明同母弟以左大臣忠平為

傅其舅也

四年丙戌定諸國上損戶法

五年丁亥冬延喜式成

六年戊子夏使少內記小野道風書歷代賢君名

臣言行於清涼殿南廂粉壁道風篁孫葛絃子

日本後紀 卷之七 二四 負代載反

日本政記 卷之七  
也

七年。秋七月。大風雨。鴨川決。敕發正稅。賑山城被水者。甚者免今年調庸。

八年。春。敕左右京。移養飢疫貧民於施藥悲田兩院。

夏四月。渤海國使裴瑒等來。先是契丹主阿保機攻滅渤海。改號東丹。命其子突欲

鎮之。瑒等降附。至是自稱東丹國使。敕曰。東丹失禮義。使者無人。臣之節。謬奉臣下。使以入上

國。宜詰責以懲將來。因卻還之。前此渤海數通

使。此後遂絕。六月。雷震清涼殿。大納言藤原

清貫。右中辨平希世等震死。帝不豫。秋九月。

帝病篤。禪位皇太子。詔左大臣忠平輔之。上尊

號太上天皇。是月崩。遺詔薄葬。不奉謚。帝致心

政治。每群臣奏對。必和辭色。曰。人主形威嚴。何

以得臣下盡言哉。又嘗方寒。夜親脫御衣。以體

凍餒之苦。世以此仁德帝。後世言治。必稱延喜

云。冬十月。葬醍醐天皇。

朱雀天皇 諱寬明。醍醐第十子。母中宮藤原氏。攝政基經第四女。在位

日本政記 卷之七 朱雀 三十五 續氏載文

日本書紀 卷之七  
十七年改元。火葬。葬於後山階後側。

冬十月。天皇即位于大極殿。左大臣忠平攝政。  
十二月。右大將定方轉左大將。大納言藤原仲  
平兼右大將。仲平忠平兄也。帝生於舅忠平第。  
至是甫八歲。生薄弱。常在深室。少見天日。世以  
為菅氏祟。

承平元年。春。以京師多盜。命衛府檢非違使。  
每夜巡捕。秋七月。法皇崩。年六十五。法皇  
深於佛理。所謂廣澤小野一派。皆推法皇為宗。

祖。屢微行。尋畿甸名山。遺詔以席裛棺。約以葛  
火。葬勿起山陵。奉謚號。天皇無謚。始于此。八  
月。葬宇多天皇。

二年。秋八月。右大臣定方薨。仲平轉左大將。  
尋為右大臣。大納言藤原保忠兼右大將。保忠  
時平長子也。

三年。冬。南海道賊起。遣警固使諸國。奉幣諸  
社。後又修大元法於豐樂院。及治部省。以所賊  
平。

日本書紀 卷之七 三十一 貞成

六年<sub>中</sub>夏六月以從四位下紀淑人為伊豫守。追捕海賊。淑人務招流亡。賑困窮。威惠並行。降渠帥三十餘人。衆二千五百。分給廢田及衣食。悉就農耕。海氛盡清。淑人長谷雄子也。秋七月。右大將保忠薨。八月。以大納言藤原恒佐兼右大將。左大臣忠平為太政大臣。聽牛車出入關門。

七年<sub>西</sub>春正月。帝加元服。受朝賀。仲平為左大臣。左大將如故。右大將恒佐為右大臣。

六

天慶元年<sub>戊</sub>夏。恒佐薨。以中納言藤原實賴兼右大將。是歲地數震。冬大雪深丈。

二年<sub>己</sub>秋八月。盜射殺尾張守共理。冬十一月。下總賊起。攻常陸介藤原維畿。下野守藤原弘雅。上野介藤原尚範。皆敗之。初。上總介高望。葛原親王孫也。賜姓平。子良將為鎮守府將軍。良將子曰將門。勇悍善射。少仕攝政忠平。求為檢非違使。忠平不省。將門走赴下總。聚徒為盜。攻伯父常陸大掾國香。殺之。與叔父下總介良

日本正記 卷之七 三十一 勅旨

兼數攻鬪朝廷將討之。將門先馳詣關疏辨得釋。及良兼卒。乃據下總。襲執維畿。武藏權守與世王為謀主。圖遂割居關東。攻降弘雅。逐尚範。自僭號平新皇。開府猿島。偽置百官。諸國凶賴徒爭殺官吏應之。初將門與藤原純友者親密。嘗謂之曰。吾王族當為天子。藤氏當為關白。於是純友為伊豫掾。任滿不還。據海島。遙應將門。攻殺備前介藤原于高。京師戒嚴閉三關。三年。庚春正月。敕進天下各神位一階。下官符。

東海東山。道募勇敢士。能殺賊帥者。賜朱紫田地。世襲。次將以下。隨功賞之。二月。以參議藤原忠文為征東大將軍。賜節刀。討下總賊。以小野好古為山陽道追捕使。討伊豫賊。三月。常陸掾平貞盛與下野押領使藤原秀鄉等。擊下總賊平之。五月。征東大將軍忠文等。途還。叙貞盛秀鄉並從四位下。賜功田。貞盛國香子。有武幹欲報父仇。攻將門不克。來訴朝廷。朝廷授此官。乃與秀鄉收兵四千。襲殺將門。忠文素

日本正記 卷之七 三十一 負氏

恪勤。及受命不歸家。直發至駿河。聞事平。乃還。朝議欲與褒格。實賴以其無功不可。藤原師輔曰。是不為無勞。何可獨遺。實賴固執不可。秋八月。讚岐介藤原國風討伊豫賊大破之。賊走太宰府。

四年。春。追捕使小野好古追擊悉平之。先是國風招降賊將藤原恒利。以為鄉導。衝賊巢窟。純友敗走太宰府。燒周防鑄錢司。又侵土佐。好古與太宰少貳源經基。主典大藏春實等。水陸

合攻。戰於博多津。春實為先鋒。戰尤力。賊敗入海。好古急追。殺溺略盡。純友亡。還伊豫。警固使橘遠保逆擊斬之。

國朝定制以來。稱動兵革者。止於邊寇。未有臣子內叛者。有之。始於天慶。論者歸罪於朱雀之君相。賴襄曰。是徒見其末。未探其本也。天慶之亂。釀於延喜之朝。何以言之。曰。天下之亂。猶魚之爛也。魚之爛也。其腸先敗。視其鱗鬣。猶仍鮮美也。以為鮮美。而皮置之。豈日



而出之。潰餒臭腐不可食矣。觀延喜之朝廷。其禮文制度豈不備且美哉。時稱太平。數舉宴樂。召集文士。歌頌鬱起。而水旱疾疫。民不聊生。盜賊充斥。閭里雖有經理之政。徒行於近。不周於遠也。世徒稱其寒夜脫御衣之一事。是所謂有仁心仁聞。而澤不及民者也。且自貶菅原相公。而藤原氏之勢倍盛。其立國儲舍長子克明。而立保明以其為基經外孫。時平外姪焉爾。猶之可也。及保明天更立其

子。其子亦殤而立。其同母弟。帝多皇子。當是時。言其長則有代明。言其賢則有重明。有兼明。皆舍不立。而必立相家所出。何也。非憚之哉。是所謂仁而不武。無能達也。時平既沒。又以其弟忠平執政。託以八歲天子。以臨制。如彼之天下。如之何其不亂也。余嘗於外史詳叙此亂。而論之曰。是由相家驕傲。壅隔上下之所致。蓋君相所務。不過目前之私。天下之紀綱廢壞也。人才壅滯也。姦雄窺伺也。皆漫



不省恤。及其潰決。所謂雖有善者。無如之何者。何況朱雀之公卿乎。徒呼號神明。以求救濟。不足恠也。朱雀之時。右大將保忠。每冬月入朝。灸餅懷之。以自煖。稍冷。賜之從者。世稱其慈惠。呼為賢人。大將右大臣實賴。聚群兒啖菓。隔牆聽其語。以知世情。世稱其用心於政。當時大臣之所為。徒如此類而已。微祖宗德澤。此焉能濟禍亂。而何足責哉。

冬。太政大臣忠平。改攝政為關白。如基經故事。帝自寫法華經。追修兵死者福。後亦詔諸寺。造一萬。率都婆。是歲。納忠平孫女為女御。大納言實賴女也。

六年。癸夏。旱疫。

七年。甲夏。以大納言藤原實賴為右大臣。立皇弟成明親王為皇太弟。以帝無子也。是歲。秋大風雨。

八年。乙秋。大風雨。左大臣兼左大將仲平薨。嘗

日本書紀 卷之七 實賴



有星變占咎在大將。右大將實賴讓之。仲平不讓曰。實賴年少才高。吾已老老死。亦何損於國。性好殖貨。倉庫多於宅地。稱枇杷大臣。十一月。實賴轉左大將。大納言師輔兼右大將。九年。丙帝禪位皇太弟。遷朱雀院。帝性柔仁。關白忠平嘗奏外議。以為時政過寬。帝曰。朕聞之先帝。君家先關白有言。政如張琴。大絃急則小絃絕。朕若嚴急。下民何堪。

大村上天皇

諱成明。朱雀同母弟。在位二十年。改元四。曰天曆。天德。應和。

康保。崩。壽四十一。葬於葛野郡村上山陵。

夏四月。天皇即位。于大極殿。尊先帝為太上天皇。太政大臣忠平。右大臣兼左大將實賴。大納言兼右大將師輔。並如故。帝年二十一。忠平關白。庶政實賴師輔。其二子也。

天曆元年。丁未。夏。實賴為左大臣。師輔為右大臣。是歲。祀前右大臣道真于右近馬場。參議兼民部卿藤原忠文卒。忠文嘗為近衛司。每宿直。擊寮馬於側。聞其嚙芻聲。警眠。帝欲聽其昇殿。固



辭而止。

二年。戊夏旱。秋大風雨。

三年。配春。關白忠平以疾請致仕。優詔不許。敕

賜度三十人。敕十六寺禱之。大赦。秋。薨。敕廢朝

三日。贈正一位。封信濃公。謚貞信。忠平與兄時

平仲平並執大政。世稱三平。前太上天皇崩。

冬十月。葬陽成天皇。

四年。庚秋七月。立憲平親王為皇太子。母藤原

氏左大臣實賴為傅。先是大納言藤原元方女

為更衣。生皇子廣平。元方喜謂必為國儲。而右

大臣師輔女為女御。生憲平。生三月。立為太子。

元方失望。遂以憂卒。後冷泉華山三條三帝皆

短祚。世謂元方為祟也。

六年。壬秋八月。太上天皇崩。遺詔薄葬。勿置陵。

稱朱雀院。天皇稱院始此。葬朱雀天皇。

八年。甲春。太皇太后藤原氏崩。秋九月。式部

卿重明親王薨。親王醍醐子好學。醍醐崩。臣子

喪服皆期而除。獨重明行三年喪。所著有吏部

王記。

右少辨菅原文時上封事請停賣官曰方今授任非不正而有以財官人助國用者功勞之臣自退聚斂之徒爭進昔漢明帝不許公主爲子求郎而賜錢十萬以官非其人則害及百姓也降及桓靈乃初賣官漢業以衰是可鑑也又請禁奢侈懷遠人帝皆嘉納

九年卯罷師輔右大將以大納言藤原顯忠代之。

十年辰秋旱詔減服御常膳禁左右馬寮秣穀量停諸作役省冤獄令諸國灌漑先貧後富賑恤窮民除畿內七道大曆五年以件調庸未進者免東海東山山陽三道驛戶田租限三年先是群臣奏請減俸祿不許至此救減十分之一天德元年巳春罷實賴左大將夏以顯忠代之中納言師尹兼右大將顯忠時平子師尹忠平子也冬以連年穀貴運近國不動穀於穀倉院置常平所

二年戊午十月立女御藤原氏為中宮皇太子母也。是歲鎮守府將軍源經基卒。經基貞純親王子。賜姓源。子滿仲又襲父官。

四年庚辰三月御清涼殿為歌合會。歌合始此。

夏右大臣師輔薨。師輔能容眾。雖久闕問者至。則待之如初。是以父時寶僚多來歸焉。秋

八月以大納言顯忠為右大臣。九月禁中火。

歷代重器文書多亡。帝避於太政官朝所。深自警懼。召大臣實賴曰。其助補不逮。乃索得神鏡

燼中。內侍以袖受之。以出。遂稱鏡曰內侍所

冬帝徙御冷泉院。敕課畿內南海及東至美濃。

西至長門十六國。修宮。期以明年。令大納言藤

原在衡董役。

應和元年。醉夏五月。詔免造宮諸國今年半租。

十一月宮成。還御。

三年。癸亥。大納言源高明奏請獎學院諸生。準

勸學院例。給年官。任諸國掾。

康保元年。甲夏中宮藤原氏崩。納其妹為尚侍。

中宮右大臣師輔女有婦德。帝屢問政事，所言多聽。又藤原師尹女爲女御，以明慧得寵，遂跡后。后崩，帝乃念之。后妹登子爲帝兄重明親王，室出入宮中，帝悅之，通焉。及重明薨，欲納之而憚。后崩，踰月乃納爲尚侍，絕寵之。至晝不出，寢欲立爲中宮，以前有子乃止。左大臣實賴竊惜其累德而不能匡止也。

一年，弘夏右大臣顯忠薨，年六十八。時平子也。顯忠性節儉，出無前驅，諸兄弟皆壯歲歿，世爲

菅氏。崇顯忠每夜出庭拜訴。五月以大納言源高明兼左大將，醍醐第十七子。冬十月，行幸朱雀院觀左右馬寮騎，召文臣四十人獻詩，親試之。

三年，丙春正月，以源高明爲右大臣。三月，御射場，試親王公卿以下射。秋大水，賑兩京民被災者，甚者免調徭。

四年，丁卯夏五月，天皇崩，遺詔薄葬，勿置陵。帝寬恕，恩無偏私。嘗問近臣外間以朝政爲何如，對

曰稱其寬帝喜曰朕志也又嘗召一老吏問曰朕治孰與延喜老吏懼不敢對帝頗問之吏乃曰賤片何有所見唯覺主殿寮多進松明率分堂前生草與前代少異耳蓋寮政務所會堂割大藏省十分一別納謂政事煩劇歲貢無餘也帝聞之有愧色自是益加意政治論者謂其亞醍醐稱延喜天曆云帝好文學多才藻而愛文士上素寵任人納言源延光適有踈待色延光懼不朝俄召見曰學生藤原雅材者甚有文才

卿盡薦之延光頓首謝乃奏雅材爲郎故事文章博士必兼他官橘直幹爲博士七年未有所兼上疏自訴貧困帝不澤然愛其詞卽日下敕兼民部大輔直幹疏小野道風所書上以其詞書兩絕甚賞玩之後禁內火先問曰直幹疏無恙其愛才如此六月葬村上天皇

賴襄曰世之言王政必稱延喜天曆以其典章文物爛然具備而已察其實多不稱者譬若人之風丰跌麗而心腹蓄疾是良醫之所

日本政言 卷之七  
三十一  
畏故識者於二代無取焉。而謂天曆不及延喜者非也。然當時已謂然矣。觀村上與老吏問答可見焉。襄獨以天曆爲勝。延喜何以知其勝。卽此一事以知其勝也。夫以萬乘之尊。問政事得失於一賤吏。非其留心於政孜孜不倦。何能如此。至聽其言以自知不足。益勤於政。則人主之所絕無而屢有。足以爲百世之法矣。延喜恐未能及此。何則。其先皇之遺誠而不肯聽也。則其他可知矣。和顏接下。導

之使言可矣。因災異求直言可矣。而未聞其聳懼聽納其言。而省於己如此也。蓋老吏言所謂主殿察多進松明者。言劇務至夜未已也。其清其本源。使不至煩劇上也。其次雖至煩劇。勤而不倦也。倦而不勤。斯爲下矣。所謂率分堂生草者。言歲貢無餘也。夫量入以爲出國計。常有餘者上也。其次出者與入者相當也。量出以爲入。而猶不足者。斯爲下矣。醍醐繼列朝太平之業。而村上承天慶大亂之

後國用之羸縮宜相縣絕也而其賑恤之政視之延喜無或不及非勤政之効何以至此以此言之雖曰天曆勝延喜可也其授政權於外戚則延喜之遺毒不可解免耳雖然兼明高明於帝爲親兄弟藤原在衡於戚黨爲踈屬而皆引當要路使與諸權戚相鈐制視之延喜之忌弟遂父所簡遺大臣而獨任二后兄者孰與耶或曰高明亦以中宮妹夫爾然則謂兼明在衡何乎至若夫好內寵帷薄不修所謂累德之大者雖然未至如唐明皇奪子之妻勤政不終終速大亂要之當時風習多如此者不可專尤於帝也



日本書紀  
卷之七  
三十九  
朝比野

冷泉天皇 諱憲平。村上第一子。母中宮藤原氏。右大臣師輔女。在位二年。

改元。曰安和。讓位皇太弟。後四年崩。壽六十一。葬櫻本乾原。

冬十月。天皇即位于紫宸殿。帝有疾。未愈。不能御大極殿。時年十八。十二月。左大臣實賴為左大臣。關白庶政。聽節會日不就班。直上殿立皇弟守平親王為皇太弟。右大臣高明為左大臣。大納言師尹為右大臣。兼皇太子傅。

安和二年。己丑。春三月。貶右大臣源高明為大宰權帥。藤原師尹為左大臣。兼左大將。大納言藤

原師尹  
卷之七  
冷泉  
天皇  
實賴  
師尹

原在衡為右大臣。大納言藤原伊尹兼右大將。初村上中宮生帝及為平守平二親王。殊愛為平。中宮妹適高明。高明又進其女為平妃。既而中宮與其父師輔皆逝。為平失勢。村上以帝有心疾。欲立為平為其儲貳。諸藤原氏以其婚源氏沮之。及村上崩。關白實賴稱遺詔立守平。高明失望。右大臣師尹害高明常謀。因事除之。代其位。至是帝病不愈。中外謂當有禪位。左馬頭源滿仲與中務少輔橘繁延等密謀奉為平。

走關東作亂已而滿仲意中悔。詰帥尹誣告高明與繁延等謀廢立。上未之信。師尹急戒嚴諸門。遣兵圍高明第。矯詔貶謫繁延等皆坐流京師。騷擾如天慶亂。為平憂懼欲削髮。帝慰喻止之。八月帝疾劇。讓位皇太弟。遷冷泉院。

賴襄曰安和之變可謂可疑矣。大原高明進女於為平親王。出村上之命。曰謀擁立之以擅政者。臆逆之言耳。雖然村上欲立為平為冷泉之儲貳。而以其與源氏婚。有沮之者實。

日本政記 卷之七 四十一 勅戶部

也及村上崩遂矯遺詔立守平親王蓋不厭中外之心故曰高明失望出怨言者或輿誦所傳也而亦未可必其實否也舊史乃稱高明怨望為亂者所誣告連及然而所謂作亂者何人哉非省府下僚則國介耳典廐耳忽謀奉親王奔關東為平新皇之所為是最可疑者也不然其意中變走告者就中稍有威望者也饒令自首宜少加斥黜而無所問即雖稱為逆首者間歲輒召還給封三百戶無

所防護何哉嗚呼此與承和之變延喜之事其情一也三者獨延喜世全知其冤而承和與安和以半為實以半為冤吾斷以為全冤也構此冤獄者有主有從延喜之源光安和之藤原師尹皆所謂從也知延喜之為主者則知安和之為主者而承和之為主者亦可知矣曰雖然主於承和者未逞其志者也主於安和者則既逞矣而何苦組織構成之耶曰彼以其所據地為私有欲私相傳恐它人

日本政記 卷之七 四十一 續氏家

日本政記 卷之七  
奪之也。故其所組織獄詞。皆如自言已之肺肝也。

圓融天皇 諱守平。冷泉國母弟。在位十五年。改元五。曰天祿。天延。貞元。天

元。承觀。傳位皇太子。後七年崩。葬三十一。茶屋藏骨村上陵側。

秋九月。天皇即位。于大極殿。尊先帝為太上天皇。太政大臣實賴攝政。如忠平故事。立皇姪師貞親王為皇太子。左大臣師尹為傳。冬。左大臣師尹薨。大納言伊尹轉左大將。中納言賴忠兼右大將。賴忠實賴子。伊尹師輔子。

天祿元年。庚申。春正月。以藤原在衡為左大臣。伊尹為右大臣。以大納言源兼明為皇太子。傳。

日本政記 卷之七 四十一 賴忠實賴

夏五月攝政實賴病疾。詔大赦天下。救之。遂薨。贈正一位。封尾張公。謚清慎。實賴練達朝章。人稱其盡心政治。右大臣伊尹攝政。秋八月。以大納言源兼明為皇太子傅。賴忠轉左大將。大納言藤原兼家兼右大將。兼家師輔第三子。

冬十月。左大臣在衡薨。系出左大臣魚名。在村上朝。以格勤至。大納言常探知帝所讀書。每入朝。車中看其書。遇煩問。占對明悉。以是得寵。源高明之貶。在衡聞之。歎息。家臣賀當代其位。在衡大怒。逐之。

二年。冬十一月。以右大臣伊尹為太政大臣。大納言源兼明為左大臣。大納言賴忠為右大臣。兼明高明兄。是歲召還高明。

三年。春正月。帝加元服。冬。伊尹疾。賜度者。又十人。罷攝政。太政大臣如故。遂薨。贈正一位。封參河公。謚謙德。以權中納言藤原兼通為內大臣。內覽宣旨。兼通伊尹弟。兼家兄也。以兼家超已顯達。常歛望。屢廢朝參。上稍踈之。兼通意

日本政記 卷之七十一 負

望攝關恐兼家妨。村中宮其妹也。其在時兼  
通嘗竊請其手書。曰攝關有關當兄弟相及不  
宜躐等。置之懷袖。及伊尹病篤。料其不起。乘間  
進請。上望見欲起入。兼通捉上裾復坐。乃奉其  
書。上見母后手跡。愴然乃超任之。

天延元年癸酉秋。立女御藤原氏為皇后。內大臣

兼通女。

二年甲春。兼通為太政大臣。關白諸政。奉賜牛  
車。

貞元元年

丙夏五月。禁內火。課諸國造宮城。

六月。地大震。至九月不止。民多壓死。帝避出南

庭。周幄為御坐。遂遷御關白兼通堀河第。

二年丙夏四月。罷左大臣源兼明。以藤原賴忠

為左大臣。大納言源雅信為右大臣。賴忠兼通

所善。兼明其所惡也。冬十月。兼通有病。以賴

忠為關白。罷兼家右大將。以中納言藤原濟時

代之。初兼通已專政。又逼請為關白。第宅僭擬

宮闕。有謗者。中以危法。時人語曰。寧投虎口。勿

日本書紀

卷之七

四

神皇正統記

觸攝政口。與兼家益嫌隙。朝臣詰兼家者。以夜。又誣奏兼家女幸冷泉上皇生子。因圖廢帝。帝不信。兼家聞其疾劇。曰。吾將為關白。遽入朝。兼通聞其喝道聲。以為問已病。拂席疾過門不入。乃大怒。奮起力疾入朝。兼家望見避之。兼通意色殊惡。直前奏曰。臣今日行最後除目。左大臣賴忠當代臣為關白。兼家謀反。當解見任。左轉治部卿。奏可。兼通顧公卿曰。誰欲大將。皆相曰。未言。濟時趨進曰。臣可乎。乃奏代兼家。十一

月。前關白兼通薨。敕廢朝三日。贈正二位。封遠

江公。謚忠義。十二月。權大納言藤原朝光兼

右大將。

天元二年。戊。賴忠為太政大臣。關白如故。源雅

信為左大臣。藤原兼家為右大臣。先是兼家作

歌哀訴。帝慰答之。及兼通薨。賴忠奏請。因有是

命。

二年。卯。夏。中官藤原氏薨。

三年。庚。冬。禁內。又火。詔減御膳。免諸國調庸。連



負除穉半。

四年<sup>辛巳</sup>春免與修宮役諸國今年租半。

五年<sup>壬午</sup>春京諸國多盜賊奪調庸放火劫人有

盜露及登弘徽殿捕得之。夏六月盜火式乾

門。冬十一月禁內又火帝遷御堀河後院。

是歲能登守源順卒順嗟峨帝四代孫有才學

而沈滯作無尾牛歌述懷上聞憐之與此官在

任三年卒著有和名抄。

永觀元年<sup>癸亥</sup>夏四月改元大赦以頻年多災變

故也。

二年<sup>甲申</sup>秋八月帝讓位皇太弟立皇子懷仁為

新帝儲貳初中宮崩立女御遵子為中宮關白

賴忠女也先是兼家女詮子亦為女御有寵上

以賴忠故不敢立兼家恚已而詮子生懷仁其

第上欲臨視憚中宮不果數召詮子兼家留不

遣又自稱病不朝上欲慰之令懷仁着袴禁內

詮子因入宮三日復出上又攜懷仁出觀相撲

節會因強起兼家入朝親諭之以傳禪意曰卿

日本後紀

卷之七

四十七

負氏藏及



不知朕意且兼家乃悅。九月上帝尊號後太  
上天皇以別於冷泉上皇。

華山天皇

諱師貞。冷泉長子。母贈皇太后藤原氏攝政伊尹女。在位三年。

改元。曰寬和。遜位後二十年崩。壽四十一。葬紙屋川上法音寺北。

冬十月天皇即位于大極殿。時年十七。太政大臣賴忠關白庶政。左大臣雅信兼太子傅。右大臣兼家。左大將朝光。右大將濟時並如故。權中納言藤原義懷。左中辨藤原惟成。參決機務。義懷伊尹子。機敏諳朝章。雖以資望尚淺。未外台

司。然以外舅故親任。惟成右少辨雅材子。方正有幹略。與義懷協心贊畫。文章博士兼彈正少弼大江匡衡為侍讀。帝勵精圖治。紀綱稍振。盜賊屏息。先是。大宰府多私帶兵仗者。聞上即位。皆解散。詔求直言。曰朕在東闈十餘年。即位日淺。粗聞前事。欲圖後治。頃水旱頻降。民困土木。浮食日多。少執節儉。倉廩已竭。田園自荒。夫國之將興。上下聚唇。其將廢。道路以目。雖堯季之俗。疲極之民。忘身戮力。庶可扶濟。人和而天和。

日本後紀 卷之七 華山 皇 負 氏 歲 夜

民足而君足所謂大臣重祿不諫小臣畏罪不言下情不上通此患之大者宜令公卿以下內外百官五位以上及秀才明經及第者各上封事匡朕不逮卿等自慮中心廣詢衆庶莫遺微賤凡國之利害政之得失盡露其膽莫得諱隱寬和元年乙酉秋七月女御祇子平大納言藤原爲光女也

二年丙戌夏六月右大臣兼家使其子道兼奉帝出宮削髮于華山元慶寺權中納言義懷左中

辨惟成並削髮從之初上性輕佻數易所幸獨祇子不渝有身例出宮就其家上不忍離強召同寢終不分婉卒上哀毀迷亂道兼爲藏人左小辨雄策多智兼家授之計勸上遜位歸佛曰臣亦奉從上許諾約期義懷惟成知之數諫慰是月庚申夜道兼得聞使人先奉劍璽於東宮已與僧嚴久潛奉<sub>上</sub>出宮上猶豫道兼急促之入寺厥明落飾道兼將剃佯請還家訣父母乃去不復來天文博士安部晴明察乾象有變急

日本政記 卷之七  
入朝奏之不及。義懷與惟成聞之。馳至寺。相視失聲。愧輔豈無狀。並薙髮爲僧。持戒終身。法皇歷遊嘗苦。至病卧海濱。殆不起。後入京居外祖母家。稍近婦女。

賴襄曰。王家之事。至冷泉圓融華山之際。吾不欲復論之也。夫以帝王之貴。宰輔之重。宗廟社稷生民之所寄。而其廢立黜陟一依閹閹之私。寧可復論其得失哉。至兼通兼家之事。可謂甚矣。兄弟爭權。至以天位博奕。是謂

大亂之世。不待保元平治也。其躁競無耻狡悍不忌。下載之下。使讀者掩卷。是爲何等朝廷乎。雖然。原彼所以能然者。人君初使之然焉耳。已不慎其德。欲敗度。縱敗禮。以私滅公。使權下移。其勢終至此。可不哀哉。所賴者。祖宗之紀綱具在。有以一振之。雖潰敗之極。不患不可自立矣。史稱華山初卽位。厲精圖治。盜賊屏息。太宰府去京師二百餘里。其私帶兵仗。不肯從法令者。聞上卽位。皆解散。其求

言之詔。鑿然起衰救敝之急務。足以使天下  
革面洗心。雖或由惟成義懷之所教。而未必  
不出於其衷也。苟執此心不撓。實其言而擴  
充之。雖有大姦劇賊。將斂其手。而何有於此  
猥瑣小黠之輩哉。奈何其以一婦人之故而  
舍天下之悅將歸已而不顧。甘爲人所騙弄。  
視其始如兩人者。何哉。仲尼贊乾曰。天行健。  
君子以自強不息。它日論剛曰。慾焉得剛。故  
人君欲制權臣。當先自制其慾。不能制其慾。  
則失其剛。其自強者息。彼將反制我。

日水文記  
卷之二  
二二  
負氏  
氏  
氏

日本政記 卷之七 五十一 賴氏崩

日本政記卷之七終

日本政記卷之八

賴襄子成 著

一條天皇 諱懷仁。圓融長子。母三條院藤原氏。右大臣兼家女也。在位二十

十五年。改元六。曰永延。永祚。正曆。長德。長保。寬弘。禪位皇太子。崩。壽三十二。荼

毘藏骨圓融帝陵側。

秋七月。天皇即位于大極殿。時年七歲。右大臣兼家攝政。罷大政大臣賴忠。關白兼家辭。右大臣。准三官位。在三公上。大納言藤原為光為右大臣。為光兼家弟也。上先帝尊號太上天皇。弗

日本政記 卷之八 一條 賴氏歲次

受立先帝弟居貞親王爲皇太子。

永延元年丁秋九月。中務卿兼明親王薨。親王

以雄才博學。聞圓融朝爲左大臣。爲攝政兼通

所忌。罷爲中務卿。陽尊實奪其權。乃營龜山莊。

作菟裘賦。以自遣。及帝長好學。召兼明于伊陟。

問其遺物。伊陟對曰。唯有菟裘。令獻之。乃菟裘

賦也。有扶桑豈無影乎。浮雲掩而乍昏。叢蘭豈

不芳乎。秋風吹而先破句。上嘆息。自書其句。藏

巾箱。帝崩後。關白道長入卧內。覩而惡之。手裂

之云。

二年。成毒攝政兼家六十。設宴其第。兼家又營

二條京極第。成大宴朝臣。東宮大進源賴光贈

馬三千匹。以頒賓客。宴集之盛。前此所未有。

賴襄曰。一條帝亦有志於治者也。曰。吾得人

才一事。不讓延喜天曆。然吾觀其所謂人才。

如四納言。世所盛稱。雖練達朝章。大抵容媚

權門者耳。大江時棟。慶滋保胤等。以文學稱。

藤原佐理。行成等。以筆札著。而毫無補於國

家然猶謂才與地稱矣。源雅信以善音律能轉喉爲新調。聞者傾聽。藤原朝光創意爲透額冠。後人遵用。大臣大將之所爲如此而已。朝廷之政爲權家所擅。使天子於邑鬱結而袖手傍觀。無敢一言匡救之。可謂之朝廷有人矣乎。攝政兼家之落二條京極第也。大宴朝臣。源賴光贈馬三十匹。以頒賓客。世傳以爲宴集盛事。前此所無也。夫賴光時爲東宮大進。其職小也。其祿薄也。而有馬三十匹。何

哉。使當時公卿有虞天下國家者。可不加之意乎。蓋公卿大夫以恬熙爲務。媮衣甘食。漁色鬪歌。而捕盜討賊之事委之武臣。世官者曰是賤事耳。而不省地方兵馬之富。漸歸其手。他日平治建久之勢。隱然已胚胎於此。而舉朝莫能察。徒以資誇談焉。果無人故也。則其所謂才者。可知已。兼家子道長。屢極專擅。家出三后。身爲兩朝外祖。嘗咏歌其意曰。此世吾之世也。嗚呼。何知二百年後代有此世。

者。更有其人哉。

日本正高 卷之八

新印 病片

永祚元年。己春。以權大納言藤原道隆為內大

臣。夏罷朝光左大將。以道隆兼之。道隆兼家

子也。秋七月。大政大臣賴忠薨。贈正一位。封

駿河公。謚廉義。八月。京師大風。宮門倒。諸國

海溢。冬。以僧餘慶為延曆寺坐主。衆徒服前

坐主尋禪。不受敕使。破裂宣命。敕賜尋禪封百

戶。不問衆徒罪。十二月。兼家為太政大臣。攝

政如故。尋罷攝政為關白。

正曆元年。庚春。帝加元服。夏五月。兼家有疾。

日本正高 卷之八 續藏



日本政記 卷之八 四 賴印 癸卯

奏讓關白職於長子道隆。尋為攝政。先是兼家京極第多恠。乃捨為寺。曰法興院。尋削髮。稱法興院關白。相家稱院。始此。敕度一百人。大赦天下。祈病愈。奏辭職。左中辨藤原有國。右中辨平惟仲。為兼家信任。曰。是我左右眼也。將奏辭職。問二人。吾子誰可嗣職。有國善道兼。曰。公執柄。三郎力也。惟仲曰。舍嫡則何。乃立道隆。道隆曰。吾至此。非德選。特以嫡長。然所喜得報。有國耳。即職。即奪有國父子宫。六月罷攝政。道隆左

大將。濟時轉左大將。權大納言道兼兼右大將。

秋七月。兼家薨。道兼以有功於父。觐望在喪。

無戚容。會客游嬉。源賴光弟賴信仕道兼。欲刺

道隆。曰。使吾王代之。賴光掩其口止之。冬立

道隆女定子。為中宮。時帝年十一。中宮十五。

二年。卯春正月。法皇崩。融葬圓融天皇。秋

七月。罷攝政。道隆內大臣。九月。右大臣藤原

為光為大政大臣。大納言源重信為右大臣。權

大納言道兼為內大臣。皇太后削髮號東三

日本政記 卷之八 五 賴氏 歲反

條院女院始此。

三年。夏。大水。太政大臣爲光薨。贈正一位。封相摸公。謚恒德。稱鷹司相國。其女爲華山女御。病卒。爲光哀戚。遂歸佛。創法住寺居焉。稱法住寺大臣。

四年。癸夏。道隆辭攝政爲關白。秋。以右大臣重信爲左大臣。左大臣雅信辭職。尋薨。雅信字多帝孫。善倭歌及蹴鞠。又善音律。轉喉爲新調。聞者傾聽。

五年。甲春。帝始視除日。秋。內大臣道兼爲右大臣。權大納言伊周爲內人。伊周道隆次子。才貌過人。父愛之。故超越先輩。年僅二十一。

長德元年。夏。關白道隆薨。道隆在戎多汲進。妻黨時論少之。性嗜飲。與藤原朝光藤原濟時爲酒敵。臨終曰。吾不得與二子俱。則生天堂亦不樂。已而二人相繼薨。人以其奇。朝光薨。通子濟時師尹子。並至大將。朝光美姿儀。嘗創意製透額冠。後人遵用。朝光初娶重明親王女。生數

子聞大納言源延光妻新寡醜而饒費乃逐其室而娶之初村上帝善爭授之濟時得其女娥子皇太子貞聞慕之遂納為妃濟時悅謂必賜輦車詰關白兼家言情兼家諾之拜舞而出然輦車竟不下世呼為空拜大將以右大臣道兼關白庶政權大納言藤原道長兼左大將五月道兼薨在戕僅七日世曰七日關白救道長內覽太政官文書道長兼家季子豪爽負氣嘗有相者視之曰是謂虎獨步深山貴顯無比是歲春道隆病奏令其子伊周攝省中事帝以伊周中宮兄固親寵之及道隆薨道兼為關白伊周失望道兼薨伊周自謂必得政上意亦在焉而東三條太后道長姊也欲其執政上不聽太后大恚上不得已從之是月左大臣源重信薨六月道長為右大臣大納言藤原顯光兼右大將是歲以藏人頭源俊賢為參議以藤原行成為藏人頭俊賢高明子行成伊尹子初藏人頭關白道隆難其人問俊賢俊賢曰莫

日太政記 卷之八 賴氏藏本

日本政記 卷之八  
踰下官者。道隆奏舉之。至上問俊賢。自舉可代者。以行成對。後皆爲納言。時藤原齊信爲光子。藤原公任賴忠子。與俊賢行成並爲納言。明習朝典。世稱四納言。

二年。丙夏內大臣藤原伊周有罪。貶爲太宰大貳。中納言藤原隆家貶爲出雲權守。先是。故太政大臣爲光二女。曰三君四君。孤居鷹司第。伊周私三君。華山法皇挑四君。數往觀之。伊周意與三君通。告之其弟隆家。隆家率惡少。夜要法

皇。放矢怖之。誤中其衣。中外不敢言。已而東三條太后疾。或言其由伊周咒詛。乃有此命。先是中宮有身。出居伊周第。伊周亦徘徊不往。上聞之。乃安置伊周于播磨隆家于但馬。已而伊周私歸西京。遣檢非違使押送太宰府。中宮生皇女。大赦並見召還。秋。道長轉左大臣。大納言顯光爲右大臣。是歲。大饑。米價騰貴。

三年。丁酉秋。藤原公季爲內大臣。

四年。戊戌以文章博士藤原爲時爲越前守。越前

守闕為時與源國盛並冀望之。左大臣道長援國盛為時竊上書哀訴。上讀之。悽惻至不御膳。道長乃罷國盛與為時。

長保元年。已夏禁內火。課諸國造宮。冬。以左

大臣道長女彰子為女御。

二年。庚春二月。立為中宮。稱上東門院。故中宮

定子改曰皇后。彰子生豐艷。髮長於身二尺許。

道長殊愛之。欲其貴。及入內。裝奩玩工。究極工

巧。居飛香舍。侍女數十人。皆妙選。一時才色。時

彰子年十三。帝每戲曰。老翁可愧。先是皇后有

身。出就其父。但馬守平生。生昌家。生皇子敦康。時

上未有子。大喜欲見之。憚道長不果。闕中宮歸

寧。召入后及敦康。既而后又有身。生皇女。數日

崩。后出寒微。恭謙有恩。中外哀惜。后侍女有清

少納言。中宮侍女有紫式部。和泉式部。並有才

名。少納言。清原元輔女。和泉式部。大江雅致女。

多滂行。紫式部。越前守藤原為時女。嫁右衛門

佐藤原宣行。生一女而寡。著文自娛。中官好文

日本正訓 卷之八 八 賴以藏版

詞召爲師。道長悅其才色。欲私之。式部拒不從。

三年。辛丑秋。罷藤原道綱右大將。以權大納言藤

原實資兼右大將。實資參議齊敏子。爲祖父實

賴子養。以強敏稱。冬十一月。禁內火。帝遷居

一條院。東三條太后崩。太后兼家女。其兄弟相

繼爲關白。朝政多取決焉。崩年四十。是歲。復藤

原伊周官。進從一位。

四年。壬寅夏。敕造宮。制度務從儉朴。明年冬。官成。

五年。癸卯冬。宮成。還御。

寬弘元年。甲辰冬。罷太宰權帥平惟仲。以宇佐祠  
官訴之也。

二年。乙巳春。大藏省火。盜殺大藏大輔平季信。

冬。禁內火。神鏡大刀契焚。帝遷東三條第。尋遷

一條院。遣使奉御筆。宣命伊勢大席。是歲。以藤

原伊周班大臣。下納言上。參預朝政。

三年。丙午春。造宮。是歲。大和守源賴親。糺興福寺

僧不法。僧徒二千餘人。入京訴之。左大臣道長

慰諭遣還。

日本書紀 卷之六 眞氏 貞氏 文

五年。甲辰春。以藤原伊周准大臣。賜封千戶。敘正

二位。二月。法皇崩。葬華山天皇。秋九

月。中宮生皇子敦成于上東門第。帝臨幸飲宴。

召道長家人授位有差。伊周謂敦康親王必為

太子。及敦成生。不懌。有流言其咒詛。道長究治

黨與。停伊周朝參。既而得釋。

六年。酉秋七月。中務卿具平親王薨。具平。村上

帝子。受業於慶滋保胤。有文名。而性恬退。世與

兼明並稱。曰前後中書省和御製詩。有忽茲君

王還白耻。風聲猶減漢東平之句。冬十月。一

條院火。徙御左大臣道長枇杷策。

七年。癸春。准大臣伊周薨。臨終。自以不遂志。嗚

咽而逝。冬十一月。一條院成。還御。

八年。辛亥夏五月。天皇不豫。六月。讓位。皇太子居

貞。立皇子敦成為新帝。儲貳。尋崩。初帝意欲立

長子敦康。而皇后既崩。伊周亦薨。弟隆家資望

猶淺。帝以其無援。又憚道長密謀於中。納言藤

原行成。行成亦懼道長。勸立敦成。中官養敦康。

貞氏藏收

貞氏藏收

善視之。勸其父立之。曰。我子尚幼。事未晚也。道長不可。遂立敦成。帝崩。帝性慈仁。嘗效延喜帝。寒夜脫御衣。以體民苦。藤原齊信嘗欲有汲引。聞上語。曰。凡事須反淳素。不能請而止。道長曰。獻珍羞。聞之。不敢復進。帝在位最久。人才輩出。嘗言。朕得人一事。庶不愧延喜天曆。心疾。道長專權。而力不能制也。秋七月。葬一條天皇。史稱一條帝。心惡藤原道長所爲。而不能制也。蓋以藤原氏之累葉權戚。雖英明之君。有

不能奈何者矣。况帝乎。而欲以制道長難矣。曰。然則是終不可奈何乎。賴襄曰。可。帝嘗從容謂侍臣曰。凡事須反淳素。藤原齊信欲有所汲引。聞帝言。不能請而止。道長獻珍羞。聞之。不敢復進。嗚呼。是可爲之機也。人主據可爲之位。挾可爲之資。雖爲權門所鉗制。處無奈何之時。而非無可回復之機也。其機不在於彼。而在於我。譬若沈痼廢疾。其來非一日。扼其要害。而不可除。欲以攻擊克之。非其斃

日本書紀 卷之八 賴山陽



不可姑舍之。扶其元氣以勝之。元氣昂則疾勢伏。其機然也。人主誠原其始思之。彼其所以能專其權以制我者。何哉。我始借之權也。我家每娶其女也。彼以我之舅氏以擅我政也。是藉我以為重者也。藉我以為重者亦藉我以為輕。故曰。其機在於我。苟正吾度為我所可為者。則彼將畏服而不敢蔑視我。曰。是亦如君也。君如君。則臣庶幾將如臣也。其初之所以敢不如臣者。由於君不如君也。帝一

言如君。則足以警服道長。其機如此。惜乎不知養此機以遂克之也。苟養此機以遂克之。則叔復朝權不必待後三條也。夫欲養此機。必當有以輔之。如元氣之須參著。如藤原實資。乃帝之參著也。舍此而不用。欲用后兄之伊周以制之。是欲養癰疽以驅痰飲也。

日本書紀 卷之八 三條天皇 十一 刺

三條天皇

諱居貞冷泉第二子母贈皇太后藤原氏攝政兼家女在位五年

年改元一曰長和禪位皇太子明年崩壽四十二火葬藏骨於北山

冬十月天皇即位于大極殿年三十六左大臣

道長知太政官文書如故太上天皇崩冷泉十

一月葬冷泉天皇

長和元年壬春立女御妍子為中宮左大臣道

長女上東門院妹也稱枇杷中宮道長積備衰

齒十年許奢華過其姊夏贈故大納言藤原

濟時太政大臣立女御娥子為皇后后濟時女

日本書紀 卷之八 三條天皇 十一 負氏或反

也。上初欲立之。而憚道長。道長陽贊成之。及冊拜。朝臣恐補其官。戕忤道長。道長告悉泚。中宮上遣使召之。無應者。甚至罵辱。敕使投以瓦礫。上大恚。獨右大將實資曰。吾豈阿權臣而忽王事哉。乃與中納言隆家等數輩入朝。預嘉會。上因是竊倚賴實資。是歲侍從大江匡衡卒。匡衡左京大夫重光子。受業祖父維時。以文學著。然沈滯終身。子舉周。養子時棟。並繼其業。妻稱赤泚衛門。為左大臣道長妻侍女。嘗著書。叙藤原氏

盛事。曰榮華物語。

二年。癸丑。冬十二月。上患日疾。使僧禱之。

三年。甲寅。禁內火。三月內藏掃部三寮火。累代寶

器多焚。夏四月。上徙御枇杷第。五月。定造

宮諸司。課諸國守督作。以明年三月為期。

四年。卯。大疫。九月。宮成。還御。進造宮諸司位。

十月。詔道長行京官。除目於直廬。儀准攝政。

道長欲太子早登位。數諷上遜位。上眼疾增劇。

不能視朝。乃有此命。罷內大臣公季左大將。以

日本政記 卷之八 十五 續

大納言藤原賴通代之。賴通道長子。帝謂左右曰。吾委除日於道長。道長所為不公。自取其譴。朕不與焉。十一月。禁內火。復徙枇杷第。日疾不愈。道長使醫官以寒水進。金液丹。遂喪明。五年。丙辰。春正月。天皇讓位皇太子。立敦明親王為新帝。儲貳。敦明皇后所生也。時道長奏請立敦良。帝不聽。遂立敦明。年二十三。長於新帝十四歲。敦明不自安。帝欲右大將實資為東宮傅。實資以衰老不堪辭。朝臣擬東宮屬者皆固辭。

右大臣藤原顯光女為敦明妃。乃以顯光為傅。

後一條天皇

諱敦成。一條第三子。母上東門院藤原氏攝政道長女。在

位二十一年。收元四年。日食。藏骨淨土寺。長元。崩。壽二十九年。火葬。

二月。天皇即位于大極殿。帝生甫九歲。左大臣

道長攝政。尊先帝曰太上天皇。夏四月。謀諸

國造宮。冬十月。道長罷左大臣。

寬仁元年。丁卯。春三月。顯光轉左大臣。公季轉右

大臣。權大納言賴通為內大臣。道長罷攝政。以

賴通代之。位班左右大臣上。夏四月中。納言

日大納言

教通兼左大將。教通賴通弟也。夏五月。太上天皇崩。葬三條天皇。秋八月。廢皇太子敦明。立敦良親王為皇太弟。初大傅顯光以舅故。每事擁護太子。然朝臣憚道長不敢起居太子。及上皇崩益甚。東宮官屬至斯役。皆不肯供職。太子不能堪。欲託疾逃位。道長又使參議藤原兼隆等休太子。太子愈懼。召道長子能信言其情。道長喜。謀之大納言源俊賢。俊賢使速決計。乃急奏帝及上東門院。門院曰。果然。宜立敦康。

從先帝遺旨。道長曰。彼無外戚援。不可。遂矯詔廢太子。太子母堀河太后聞之。驚往視。不及。號泣。道長病之。奏賜號小一條院。置年官受領吏。准上皇封戶。仍舊。又納其第五女為妃。以慰之。且掩物議。故妃延子歸家。憂憤。妃父顯光哭之一夕。鬚髮盡白。冬十二月。前攝政道長為太政大臣。叙從一位。

二年。春。辭太政大臣。夏四月。官成還御。冬十月。立道長第三女威子為中宮。中宮長於



帝九歲。帝尚幼。以中宮匣奩爲戲玩。於是道長一家三后。帝與大弟。並爲外孫。嘗同集上東門策道長喜。作歌自頌。以月望無缺。自喻。以語右大將實資。使和之。實資辭曰。秀歌不和。自古然也。十二月。敦康親王薨。年二十一。親王夙有令譽。爲一條帝所愛。憚道長不得爲太子。及小一條辭位。上東門院欲援立之。亦不果。門院厚資給之。又以其妃爲攝政。賴通妻妹。得其助。家纔得不乏。

三年。夏。刀伊賊寇壹岐。殺守藤原理忠。遂犯筑前。太宰權帥藤原隆家遣前少監大藏種村等。逆擊大破之。詔進隆家爵。以種村爲壹岐守。隆家伊周弟。以敦康親王不得儲位。憤歎。欲請外任。會帥闕。奏請得之。有治績。是春。壹岐對馬有警。驛奏請救符。救符未至。而有此寇。隆家發兵。諸將以賊船多。請益戰艦。種村不可。奮進捷報。朝議以其私發。不宜加賞。大納言實資引寬平中對馬守防新羅寇得賞例曰。有功不賞。何

日本政記 卷之八 十八 賴白

以厲後。大納言藤原齊信亦同其議。乃與賞。

夏五月。左大臣顯光薨。冬十二月。內大臣賴

通改攝政為關白。

四年。庚申。夏。痘行。帝亦患之。因詔免諸國調庸逋

負。疾病者。遣吏撫視。

治安元年。辛酉。夏六月。以右大臣藤原公季為太

政大臣。賴通為左大臣。取如故。實資為右大臣。

教通為內大臣。尋以實資兼皇太弟傅。

二年。戊戌。秋七月。先是道長創法成寺於京極。擬

興福寺。究極土木。未成。而獲病。乃課諸國督役。速成。帝臨幸落之。

萬壽元年。甲子。秋。幸關白賴通賀陽院第。觀競馬。

四年。丁卯。春。京師多盜。入禁中奪物。二月。右近

衛府圖書寮火。冬十二月。前攝政道長薨。先

是三條皇后及太子妃。前後崩薨。皆道長女。道

長立朝四十餘年。始遭凶事。遂哀戚致病。帝臨

視問。所欲言。道長曰。臣復何望。唯法成寺成。董

役者。未被賞。為憾耳。帝即敕加家司等位。賜寺

日本政記 卷之八 賴白

日本政記卷之六  
封五百戶。遂薨。年六十二。世稱法成寺攝政。又稱御堂關白。此時禁諸國吏營宅。過制及六位以下。版築作垣。檜皮葺屋。而道長造營。僭禁宮。取材木徒役於官。

長元元年。戊辰秋。前上總介平忠常作亂。下總。攻殺安房守。遣檢非違使平直方等。下官符東海。東山二道。發兵討之。是歲太政大臣公季薨。開祖

三年。庚午安房守藤原光業畏忠常。弃印鑑奔還。

以平正輔代之。秋九月。召還平直方。敕甲斐守源賴信。率坂東諸國兵。討忠常。忠常負山帶湖。為固。賴信襲執之。撫降餘衆。

四年。辛未夏。攜入京師。忠常途病歿。斬首以獻。叙賴信從四位上。為上野常陸介。賴信以老不堪。遠任。請改守丹波。不許。

五年。壬申大旱。諸大川皆涸。

六年。癸酉盜入禁中及東宮。

七年。甲戌自春正月。至秋七月雨。八月大風洪水。



九年。子丙夏。天皇崩。在位二十一年。年二十九。

五月。葬後一條天皇。帝每憚勞民。及葬役夫相

語曰。二十年間。使吾儕息肩。今豈不效力。

後朱雀天皇

諱敦良。後一條同母弟。在位九年。收元三。曰長曆。良久。寬

秋七月。天皇即位于大極殿。年二十八。左大臣

賴通。關白諸政如故。

長曆元年。丁春。立禎子內親王為中宮。三條帝

女。母枇杷皇后。以道長孫女入內。三月。改號皇

后。立女御。嫺子為中宮。初上在東宮。納道長女

嬉子。生皇子親仁。又納禎子。生皇子尊仁。關白

賴通無女可納。而嫺子其妻妹也。故養為子。納

之。秋八月。立皇子親仁。親王為皇太子。

三年。己春。以圓城寺僧正明尊為叡山坐主。僧

徒以其非慈覺徒。不受群聚。訴迫關白賴通第。

打破其門。令檢非違使驅退之。執首惡下獄。三

月。僧徒放火高陽院。捕獲之。夏。禁內火。秋

七月。徙御京極院。秋。中宮嫺子崩。冬。納內大

日。秋。中宮嫺子崩。冬。納內大

臣教通女爲女御。

長久元年。庚申夏京師盜賊僧徒帶弓箭殺人行

火懸賞購捕。秋大風八省堂倒。京極院火。徒

御內大臣教通二條第。謀諸國造宮。

二年。辛巳冬十二月官成還御。

三年。壬午春圖書寮火。冬十二月禁內火。避大

政官廳。

四年。癸未春正月行諸節會于官廳。已徙御一條

院。冬十一月右大臣實資罷右大將以權大

納言藤原通房代之。通房賴通長子也。十二

月一條院火。徙御東三條院。

寬德元年。甲申夏大疫。四月右大將通房薨。

秋八月宋商至。但馬遣使存問使奪其財物。宋

裔訴命悉還與之。筑前人清原守武坐私入宋

流佐渡。冬十二月上視除目。見大人於屏風

上自是不豫。

二年。乙酉春正月大漸讓位皇太子以尊仁親王

爲新帝儲貳。以中宮大夫藤原能信爲東宮大

臣。二月。上自是不豫。

夫時帝召關白賴通命之。賴通以尊仁非藤原氏出，不欲立。對曰：「事未晚也。」賴通退，能信近御床奏曰：「陛下欲以第二宮付何僧？」上曰：「朕將置之東宮，何謂付之僧也？」能信曰：「苟然，早決之，不可過今日。過今日，恐有他故。」帝悟，即日立為皇太子。弟能信，賴通弟也。天皇崩于東三條院。二月，葬後朱雀天皇。

後冷泉天皇 諱親仁。後朱雀長子。母贈皇太后。藤原氏攝政。道長第四女。在位二十三年。改元四。曰永承。天喜。康平。治曆。崩。壽四十四。火葬。藏骨圓教寺。

夏四月，天皇即位于大極殿。年二十一。左大臣賴通、關白庖政如故。以權大納言藤原賴宗兼右大將。賴宗，道長第二子也。

永承元年。戊春正月。右大臣藤原實資薨。實資剛直明達，不惑邪說。初攝政，道長專權，舉朝阿附。實資獨侃然正色，屢發忠憤。天子倚賴焉。上東門院入內，道長乞一時名流，作和歌屏風。中納言藤原公任為選首。華山法皇亦有御製實資時為大納言，獨拒之曰：「安有官列上達部而



日本政記 卷之八 行 三十三 賴日 賴日  
爲女御資裝者邪。後一條帝有凶夢。或勸講最  
勝經。實資止之曰。陛下唯正己修政。邪不能犯  
也。僧明尊自稱夢有關寺。牛自稱迦葉佛。往膜  
拜。朝野翕然群詣。實資獨不往。道長家臣病。有  
憑者。妄語實資適往。輒備伏曰。吾懼見此人。病  
已。

賴襄曰。藤原實資可謂大丈夫矣。當權臣擅  
政。舉朝攀附之時。雖天子猶伺其喜怒。獨實  
資以其同族。特立不阿。至天子倚賴之。以爲  
安。可不謂大丈夫邪。如不肯書上東門院之  
屏風。激一正不根之上氣。吾讀史至此。未嘗  
不想見其人。以如此之世。猶有如此人也。又  
讀至其辭爲皇太子傅。則有異焉。敦明權臣  
所不欲立。而天子立焉。倚實資以扶植之也。  
爲實資者。何不慨然以身許之。而以衰老不  
堪爲辭乎。此時實資以大納言爲右大將。蓋  
歲七十矣。後五年。乃遷右大臣。兼皇太弟傅。  
所謂皇太弟。乃權臣所欲立也。誠使衰老不

日本政記 卷之六 三十四 刺氏病狀

堪何以辭於前而不辭於後。後又二十餘年而沒。蓋九十矣。其矍鑠可知也。則前之辭者。非遁辭邪。觀實資之平素。非怵禍福。喪廉恥。唯官爵是戀。如當時公卿比也。豈度時勢之不可為焉爾邪。苟然。何併不辭其官。高視事外而無仕至死乎。抑以已受國恩特厚。不敢以就安。姑與權臣共事。以匡濟其太甚耶。或以吾論實資為苛也。夫唯實資也。故吾苛論之。當時舉朝之士皆婦人也。婦人不足責。有

一丈夫焉。吾烏得不責以其道哉。如源顯基之事。後一條崩後。辭官隱居。卻醫藥以死。則疾世濁亂。潔身而逝耶。審能然。是之謂真大丈夫。

日本政記 卷之六

三十四 刺氏病狀

二月太政官朝所灾。秋七月立女御章子内

親王為中宮。冬十月官成還御。

二年。秋。教通為右大臣。賴家為内大臣。是歲。

前權中納言顯基薨。顯基大納言俊賢長子。仕

後一條帝。受恩遇。及帝崩。不欲復立朝。削髮隱

大原。患疽。喜曰。病至死。心不亂者。唯癰疽。卻醫

藥而逝。

三年。戊冬。禁内火。徙御京極。

四年。丑夏。六月。皇后皇太弟所居閑院火。

五年庚寅春流大和守源賴親于土佐賴房于隱

岐先是賴親訴興福寺僧徒不法僧徒怒攻其

館賴親父子防戰多殺傷僧徒來訴故有此命

六年辛卯春正月小一條院薨二月立女御藤

原寬子為皇后關白賴通女秋冷泉院成徒

御

七年壬辰大疫徒御賴通賀陽院第

天喜元年庚巳秋上患瘧徒御賴通賀陽院第

二年甲午春賀陽院火還宮秋徒御京極院

冬京極院火徒御賴通四條第

三年乙未夏毀冷泉院移造四條院

四年丙申春一條院成徒御秋七月彗星見東

方八月陸奧酋長安倍賴時及救陸奧守兼

鎮守府將軍源賴義討之賴時自父祖世為酋

長至賴時略有六郡據衣川擅海利不輸貢賦

時出兵侵掠國守不能制朝議以賴義賴信子

得東人心乃命此任會有大赦賴時大喜厚贈

賴義賴義任滿將還有夜斫屬將藤原光貞營

賴義賴義任滿將還有夜斫屬將藤原光貞營

賴義賴義任滿將還有夜斫屬將藤原光貞營

者。賴時子貞任嘗求婚光貞。光貞鄙之。不許。故報其怨也。賴義欲收貞任。賴時乃閉關復反。其二塔藤原經清。平永衡在官軍。或言永衡貳賴義。收斬之。經清不自安。去歸賴時。賴時益振。賴義以討賊自任。不敢歸。

五年。丁酉春。賴義招降俘囚酋安倍富忠。要擊誅賴時。貞任勢猶張。時歲荐饑。九月。賴義奏請輸兵食。久之不至。乞援於出羽守源兼長。亦不敢出兵。經清造私符徵諸郡兵食。曰用白符。勿

用赤符。赤官符也。國民靡從。賊軍益張。

康平元年。辰春。中院火。延及諸殿。

二年。乙丑春。一條院火。徙御賴通三條第。夏。大

雨洪水。秋。大風。是歲盜屢行。火皇宮。

三年。庚子秋。關白賴通罷左大臣。教通為左大臣。

賴宗為右大臣。權大納言藤原師實為內大臣。

師實賴通子。

四年。辛丑冬。賴通為太政大臣。

五年。壬寅夏。罷教通左大將。以師實兼之。秋。賴



通辭太政大臣關白如故。陸奧守源賴義以出羽酋清原武則等討陸奧賊大破之斬賊首安陪貞任傳首京師。詔叙賴義正四位下為伊豫守武則從五位下為鎮守府將軍。先是以賴義任滿以藤原良經為陸奧守以賊未平辭不往。又以高階經重為守兵民服賴義不受其節度經重乃歸賴義招致武則得兵萬餘進攻賊小松柵拔之貞任來戰武則曰賊不固守困而出戰是我利也。速戰破之乘勝衝其巢窟終斃

貞任獲經清新之賴義曰猶能用白符邪以餘黨未平猶留陸奧。

七年甲辰春賴義以諸降虜至京師赦放之伊豫

冬罷賴宗右大將以權大納言源師房兼之

治曆元年己丑春右大臣賴宗罷。夏旱先是賴

義請賞陸奧役將士有功者朝議久不決以故

未赴任公私督責踵至賴義以私物進濟又遭

旱不登因上疏請再任。六月藤原師實為右

大臣源師房為內大臣師房具平親王長子知

白木政記 卷之八 二十六 賴義

關白賴通妹醜。故娶之。賴通喜。故累遷至此。  
三年。打冬十月。行幸賴通宇治別莊。以賴通准  
三后。賜年官爵。如忠仁故事。初賴通捨莊為寺。  
曰平等院。敕賜封三百戶。已而罷其關白。特敕  
咨詢政事。

四年。戊夏四月。以左大臣教通關白。庶政。賴通  
意欲讓其子師實。啓之上東門院。院以道長  
夙志在教通。遂命之。帝崩于賀陽院。五月。葬  
後冷泉天皇。

賴襄曰。昔者元魏之衰。羽林騎焚張彞第。而  
魏主不問。高歡觀之。謂天下之事可知矣。歸  
散財結士。我長曆天喜之際。有類於此者。延  
曆寺僧徒抗訴。迫關白賴通第。打破其門。已  
而放火高陽院。夫賴通之名位。不翅張彞也。  
而僧徒非羽林之比。天下之事。為何如哉。後  
興福寺徒又攻大和守源賴親之館。而朝議  
流賴親于土佐。不亦甚於不問乎。而陸奧之  
酋侵蝕六郡。不奉貢賦。源賴義以國守計止。



勸之。借出羽酋之力。纔能平之。朝廷遣代人而兵民服。賴義不奉其號令。賴義以獨力經紀二國十餘年。及奏捷。為將士請賞格。朝議久不決。其後賴義子義家再平陸奥之亂。而朝議以為私鬪。又不與賞典。非源氏父子以私恩撫緝之。則東國豪傑。寧能帖然哉。高歡自以其意結納之而已。我朝則驅而歸之。其手。我朝紀綱之廢。甚於元魏。而源氏父子智勇固過於高歡。異日源氏坐奪朝權者。決於

此矣。朝廷公卿方以聲色歌詠為事。而而戈汗馬之勞。委之邊鄙之吏。又不肯償其勞。而欲偃然長於其上。是天道所不與也。大凡治安之久。上者亢而不下。下者滯而不上。上下之間。痞痛不通。而天下覆矣。下者反制其上。上者反制於下。必然之勢也。當是之時。英雄俊傑之士。多生於下。而上者皆猥瑣頑鈍無耻之人。是之謂氣運之變。故其勢不得不反覆也。噫。可不惧哉。

日本政記卷之八

...

...

...

...



日本政記卷之八

The left page of the book is mostly blank, showing the texture and some minor stains of the aged paper.

